

# Rhaglen

## Gymrodoriaeth g39

**Menter pum mlynedd gan g39, wedi'i chefnogi gan Raglen Artistiaid Freelands.**

Mae Rhaglen Gymrodoriaeth g39 yn cefnogi artistiaid i ddatblygu eu gwaith. Mae'n rhan o Raglen Artistiaid Freelands, ac yn digwydd ochr yn ochr â mentrau cyfwerth a drefnir gan PS2 (Paragon Studios/Project Space) ym Melfast, Oriel Site yn Sheffield, ac Oriel Talbot Rice ym Mhrifysgol Caeredin.

### Trosolwg:

Manylion:	Rhaglen datblygu artistiaid
Cymhwyster:	Artist gweledol sy'n byw yng Nghymru ac sy'n gweithio mewn unrhyw gyfrwng
Dyddiad cau:	23:59 28/09/21 (28 Medi 2021)
Cyfweliadau (ar-lein):	yn ystod yr wythnos sy'n dechrau 11/10/21 (11 Hydref 2021)
Dyddiadau Rhaglen:	Rhwng Ion 2022 – Rhag 2023

### Beth yn union sy'n cael ei gynnig?

Bydd pob artist yn derbyn	Ffi o £10,000 dros ddwy flynedd Bwrsariaeth teithio a llety gwerth £600 Y rhaglen a ddisgrifir isod Cyfraniad ariannol tuag at unrhyw ofynion mynediad penodol Cyfraniad ariannol tuag at gostau llety a theithio (i artistiaid sydd â phellter teithio mewn car o fwy na dwy awr i Gaerdydd)
---------------------------	---

### Cyfle:

Croesawn geisiadau ar gyfer rhaglen ddatblygu artistig, sydd wedi'i anelu at egin artistiaid. Cynigir pum lle ar raglen gymorth strwythuredig dros **ddwy flynedd** (chwe mis o gymorth wedi'i raglennu ym mhob blwyddyn).

Fel rhan o'r rhaglen bydd modd i chi ddefnyddio g39 fel stiwdio a

gofod ar gyfer eich ymchwil hunangyfeiriedig. Byddwn yn rhoi gorriad i chi i'r adeilad. Caniateir hyn fynediad 24-awr i'r stiwdio, sinema, llyfrgell, meddalwedd dylunio a golygu yn ogystal ag offer adeiladu ac offer fideo (AV). Byddwch yn derbyn cefnogaeth ar ffurf gweithdai a hyfforddiant ac amser cyswllt gyda mentoriaid, artistiaid gwadd, curaduron a staff g39. Caiff hyn ei drefnu gan g39 a Rhaglen Artistiaid Freelands.

Bydd gennych chi hefyd fynediad at raglen ehangach g39 o siaradwyr gwadd a darlithwyr, sesiynau grŵp ar gyfer cael beirniadaeth gan gyfoedion, diwrnodau cwrdd i ffwrdd, ymweliadau ymchwil, cyfleoedd rhwydweithio o bell a gweithgareddau cymdeithasol.

Yn ogystal, bydd Rhaglen Artistiaid Freelands yn trefnu symposiwm blynyddol ac arddangosfa i bob un a gymerodd ran ar ddiwedd pob carfan ddwy flynedd.

Erbyn diwedd y rhaglen pum mlynedd, bydd g39 wedi cefnogi ugain o leoedd ar y rhaglen.

## **I bwy mae'r cyfle hwn?**

Rydyn ni'n chwilio am yr unigolion hynny a fydd yn elwa fwyaf o'r gefnogaeth a'r sgysiau sydd ar gael. I ymgeisio dylech chi fod yn:

Artist gweledol - yn gweithio mewn unrhyw gyfrwng

Byw yng Nghymru

Artist sy'n ymarfer ers dros dair blynedd

Yn y broses o sefydlu / ailsefydlu gyrfa

Dylech fod wedi ymrwymo i ddatblygu arfer greadigol ragorol, dylech fod yn uchelgeisiol ac yn agored i weithio mewn amgylchfyd stiwdio lle gallwch ymgysylltu a gweithio ochr yn ochr ag eraill. Gofynnwn i chi fod ar gael i fynychu amserlen lawn o weithgarwch y rhaglen.

Nid yw'r cyfle hwn yn agored i artistiaid sydd mewn addysg swyddogol yn ystod cyfnod y rhaglen.

Nid ydyn chwaith yn chwilio am gynigion ar gyfer arddangosfa na chwaith syniadau prosiect.

## Ydy'r rhaglen yn addas i mi?

Rydyn ni'n gweithio i sicrhau bod ein cyfleoedd yn hygyrch a bod y broses o ymgeisio yn hwylus ac yn hawdd i'w ddefnyddio. Os hoffech chi dderbyn y ffurflen hon ar fformat gwahanol, neu os hoffech ymgeisio drwy ddull gwahanol (e.e. drwy fformat sain / fideo), cysylltwch â ni os gwelwch yn dda. Byddwn yn hapus i drafod ffyrdd eraill o gyflwyno'ch cais.

Rydyn ni'n croesawu ceisiadau gan bobl ni waeth beth yw eu hanabledd, rhywedd, cyfeiriadedd rhywiol, statws priodasol, cyfrifoldeb teulu, oedran, tarddiad ethnig, cenedligrwydd (yn amodol ar drwydded gwaith os fydd angen), aelodaeth/gweithgarwch i undeb lafur, credoau gwleidyddol neu grefyddol person.

Rydyn ni wedi ymrwymo i gefnogi mwy o geisiadau a chomisiynau gan artistiaid y mae eu cefndir/hunaniaeth wedi'u tangynrychioli yn y rhaglen, yn ein hadnoddau ac ymhlith staff a bwrdd g39. Mae hyn yn cynnwys; artistiaid Duon, Asiaidd a'r rheiny o gefndiroedd ethnig amrywiol, artistiaid o gefndiroedd economaidd gymdeithasol is, artistiaid B/byddar, artistiaid niwroamrywiol, artistiaid gydag anableddau neu anawsterau iechydol hirdymor ac artistiaid sy'n perthyn i'r gymuned LGBTQIA+.

Byddwn yn cynnig o leiaf ddau le i artistiaid Duon, Asiaidd neu o gefndir ethnig amrywiol. Rydym yn dilyn polisi o Weithredu Cadarnhaol er mwyn sicrhau bod unigolion sydd wedi'u heithrio neu wedi wynebu gwahaniaethu neu anfantais arall, boed hynny yn y gorffennol neu'r presennol, yn elwa o gyfleoedd g39.

Os ydych am i ni ystyried eich cefndir neu'ch hunaniaeth yn ystod y broses ddethol, gofynnwn i chi nodi hyn yn eich cais.

Ar hyn o bryd rydym yn monitro'r hyn a wnawn drwy ffurflen adborth werthuso, ond fe'i cedwir yn ddienw ac ar wahân i'ch

cais.

Rydyn ni'n clustnodi cyllideb ar gyfer cefnogi anghenion hygyrchedd unigolion. Mae g39 yn adeilad un llawr sy'n hygyrch i bobl sy'n defnyddio cadair olwyn. Os oes gennych chi ofynion hygyrchedd yr hoffech drafod â ni cyn gwneud cais, cysylltwch â ni.

Os hoffech gyflwyno cais ond mae angen cymorth ychwanegol arnoch o ganlyniad i allgáu, gwahaniaethu neu anfantais, rydym am helpu. Byddwn yn cynnal sesiynau holi ac ateb pan fydd y cyfle'n codi a bydd rhai o'r rhain yn cael eu targedu a'u cynnig fel manau diogel.

Yn ystod y sesiynau hyn bydd cyfle i chi gyfarfod aelod o dîm g39 cyn dechrau ar eich cais. Nid yw'n bosib i ni ddarllen ceisiadau drafft na gwaith ysgrifenedig, ond gallwn drafod eich cymhwyster a natur y rhaglen a'ch cyngori ar sut i gryfhau eich cais.

Gweler ein gwefan a'n sianeli cyfryngau cymdeithasol am fanylion a'r newyddion diweddaraf.

## Cysylltwch â ni

Os oes gennych chi gwestiynau pellach cymerwch olwg ar yr adran Cwestiynau Cyffredin.

Ar gyfer unrhyw ymholiadau eraill, cysylltwch â [post@g39.org](mailto:post@g39.org) neu ffoniwch +44(0)2920 473 633 a gadewch neges os gwelwch yn dda. Rydyn ni'n gweithio rhan amser, a byddwn yn cydnabod eich neges o fewn tri diwrnod gwaith ac yn ymgeisio i ateb eich ymholiad neu drefnu amser a dyddiad i sgwrsio ymhellach o fewn pum niwrnod gwaith.

## Sut i wneud cais

Gallwch anfon eich cais ar e-bost. 28/09/21 yw'r dyddiad cau.

Gofynnwn i chi e-bostio'ch cais at [fellowship@g39.org](mailto:fellowship@g39.org) gyda'r pennawd 'Cymrodoriaeth g39[EICH\_ENW]'. Byddwch yn derbyn cydnabyddiaeth awtomatig a dolen i ffurflen fonitro cydraddoldeb

sy'n wirfoddol. Dim ond un cais fesul artist byddwn yn ei dderbyn. Dylai ceisiadau ysgrifenedig gael eu hanfon fel ffeil PDF unigol (llai na 10mb o faint).

Mae gennych yr opsiwn o gyflwyno'ch cais ar ffeil sain neu fideo. Ni ddylai ceisiadau sain neu fideo fod yn fwy na 5 munud o hyd.

## **Cofiwch gynnwys:**

### **1. Pwy ydych chi:**

Nodwch eich enw a manylion cyswllt (cyfeiriad e-bost, cyfeiriad post a rhif ffôn, neu'r ffordd orau i ni gysylltu â chi).

### **2. Beth ydych chi'n ei wneud (uchafswm o 700 gair):**

**Ynglŷn â'ch arfer greadigol:** Dechreuwch eich cais drwy ddweud wrthon ni am eich gwaith a'r hyn sydd wedi apelio'n benodol am y rhaglen. Efallai hoffech chi ystyried un darn o waith penodol, arddangosfa ddiweddar, adeg benodol o'ch gyrfa, ac / neu eich amgylchiadau.

**Beth ydych chi wedi'i wneud eisoes:** Dwedwch wrthon ni am y gwaith mwyaf diweddar rydych chi wedi'i greu / yn ei greu ar hyn o bryd. Byddwch mor glir a syml a phosib yn eich disgrifiad.

**Beth hoffech chi ei wneud:** Rhannwch gyda ni sut gallai'r cyfle hwn eich helpu chi i gyflawni'r hyn sydd wedi bod y tu hwnt i'ch cyrraedd. Sut fydd y rhaglen yn eich galluogi chi i grisialu'ch ymchwil gyfredol, ffocysu'ch gwaith a / neu ddatblygu'ch arfer greadigol a'ch gyrfa? Soniwch yn eich cais am sut gallai'r rhaglen drawsnewid / gwneud gwahaniaeth go iawn i'ch arfer greadigol. Ceisiwch fod mor glir â phosib yn eich cais, gan roi digon o fanylder. Helpwch ni weld beth rydych chi'n ei gynnig ar gyfer y rhaglen.

Cadwch at ddim mwy na 700 o eiriau ar draws tri chwestiwn yr ail adran.

### **3. Eich Gwaith:**

**Anfonwch:** Detholiad o hyd at ddeg delwedd neu weithiau wedi'u hamseru, neu gyfuniad o'r ddau.

Os hoffech i ni wyllo'ch gwaith ar-lein, anfonwch ddolenni i'ch gwefan / gwefannau sy'n lletya eich gwaith sain/fideo. Anfonwch fanylion am ba waith hoffech i ni wyllo, yn ogystal â chyfrineiriau. Cofiwch gynnwys manylion y delweddau / fideos / gwaith sain rydych chi'n eu hanfon aton ni (teitl, cyfrwng, blwyddyn a.y.y.b). Cofiwch mai amser cyfyngedig fyddwn ni'n ei dreulio yn adolygu gwaith pob ymgeisydd.

**CV cyfredol:** Os yw eich CV yn bodoli ar-lein, anfonwch ddolen ato os gwelwch yn dda.

**Eiriolwyr:** Anfonwch enwau a manylion cyswllt (rhif ffôn a chyfeiriad e-bost) dau berson yr hoffech ddarparu geirda ar eich cyfer, yn benodol am eich gwaith. Byddwn ond yn cysylltu â hwy os oes angen arweiniad ychwanegol ar y panel i wneud ei benderfyniad terfynol.

**Dyddiad cau: 23:59, 28/09/21**

**Cyfweliadau (ar-lein):** yn ystod yr wythnos sy'n dechrau 11/10/21 (11 Hydref 2021)

## **Beth fydd yn digwydd nesaf:**

Caiff cynigion eu hadolygu wedyn gan banel, a fydd yn cynnwys staff g39 a detholydd/detholwyr allanol. Bydd ceisiadau'n cael eu hadolygu gan bob aelod o'r panel yn unigol, gyda phob aelod yn ysgrifennu nodiadau. Wedyn bydd y panel yn cyfarfod i drafod a chreu rhestr fer o hyd at ddeuddeg artist. Bydd yr artistiaid yn derbyn gwahoddiad am gyfweliad yn g39 yng Nghaerdydd (naill ai wyneb yn wyneb neu'n rhithiol).

Bydd y cyfweliadau yn cael eu cynnal yn ystod wythnos sy'n dechrau **11eg Hydref 2021**. Bydd pum artist yn cael eu dewis o'r cyfweliadau hyn. Gwneir y penderfyniad terfynol gan staff g39 a detholydd/detholwyr allanol, sy'n berchen ar y bleidlais fwrw.

## Cwestiynau Cyffredin

### **Beth ydych chi'n ei olygu gan 'egin artist'? Ydw i ar gychwyn fy ngyrfa?**

Rydyn ni wedi datblygu'r cyfle hwn ar gyfer artistiaid sydd heb wireddu eu huchelgais eto. Nid oes gennym ni syniadau pendant ynglŷn â beth yw'r uchelgais, na be ddylai fod yn uchelgais. Gwyddwn nad yw llwybr gyrfa yn syml ac mae llwyddiant yn golygu rhywbeth gwahanol i bawb.

Ni fyddwn yn ystyried oedran yr artist wrth benderfynu ar gymhwyster yr ymgeisydd. Os ydych chi'n teimlo y byddai'ch gwaith yn elwa'n sylweddol o'r rhaglen hon, croesawn eich cais ar gyfer y rhaglen gymrodoriaeth.

### **Beth ydych chi'n ei olygu gan 'addysg ffurfiol'?**

Rydyn ni'n diffinio addysg 'ffurfiol' fel unrhyw gwrs neu astudiaeth fydd yn arwain at gymhwyster ffurfiol. Mae hyn yn cynnwys ond ddim yn gyfyngedig i gyrsiau prifysgol/coleg, yn cynnwys astudiaethau PhD. Nid yw 'hyfforddiant' yn perthyn i'r categori hwn.

### **Ydy'n bosib i mi gyflwyno cyfuniad o fideo, gwaith sain, testun a delweddau fel enghreifftiau o fy ngwaith?**

Mae croeso i chi anfon cyfuniad o wahanol gyfryngau. Anfonwch beth bynnag fydd yn adlewyrchu eich gwaith orau, a'r darnau sy'n fwyaf perthnasol i'ch cais.

Cofiwch mai amser cyfyngedig fyddwn ni'n ei dreulio yn adolygu gwaith pob ymgeisydd.

Cofiwch sicrhau bod dolenni yn gweithio ac eich bod wedi anfon unrhyw gyfrineiriau angenrheidiol aton ni. Os ydych chi wedi cytuno i anfon eich cais gyda'r post, peidiwch ag anfon darnau gwreiddiol. Ni fydd modd i ni ddychwelyd unrhyw waith a ddaw gyda'ch cais.

### **Beth fydd trefn y cyfweliad?**

Sgwrs hanner awr gyda thri unigolyn fydd y cyfweliad, gan gynnwys staff o g39 a'r detholydd/detholwyr allanol. Mae'n debygol o ddigwydd yn rhithiol, ar ffurf Zoom. Os oes angen cefnogaeth hygyrchedd arnoch ar gyfer y cyfweliad, e.e. dehongliad laith Arwyddion Prydain, gallwn ei



ddarparu.

Byddwn yn anfon y cwestiynau atoch ymlaen llaw, gan ein bod yn gweld y cyfweliad fel cyfle i ddod i wybod mwy am eich cais.

### **Mae gen i anabledd; sut a phryd dylwn i drafod hyn yn y broses ymgeisio?**

Os yw eich anabledd yn sail i'ch arfer greadigol (e.e. mae'n destun pwnc) byddai'n gwneud synnwyr i gynnwys hyn yn eich cais ysgrifenedig.

Os fyddai'n well gennych chi petai'ch cais yn cael ei ystyried heb i'r panel wybod am eich anabledd, mae croeso i chi ddarparu'r wybodaeth wrth drafod unrhyw ofynion hygrychedd os fyddwch yn cael eich gwahodd am gyfweliad.

Neu, os fyddai'n well gennych chi, gallwch drafod unrhyw gefnogaeth byddwch chi ei angen gan g39 yn ystod eich cyfweliad.

**Pa gostau hygrychedd galla i hawlio?** Mae modd i gostau hygrychedd gynnwys gofynion hygrychedd penodol, gofal plant / gofal dibynyddion a llety yng Nghaerdydd i artistiaid sy'n byw dros ddwy awr i ffwrdd. Rydyn ni'n agored i drafod hyn gyda chi.

**Pa gostau teithio a llety galla i hawlio?** Gallwch hawlio costau ar gyfer eich gwaith ymchwil a datblygiad, gan gynnwys teithio i sesiynau un i un a chyfarfodydd a gymeradwywyd sy'n digwydd tu allan i Gaerdydd. Rydyn ni hefyd yn ymwybodol y byddwch, o bosib, angen hawlio costau llety ar gyfer dibynyddion, aelodau teulu neu ofalwyr. Mae croeso i chi drafod hyn gyda ni ar unrhyw gam o'r broses.

Ar wahân, cynigir cyfraniad ariannol tuag at gostau llety a theithio i g39 i artistiaid sydd â phellter teithio mewn car o fwy na dwy awr i Gaerdydd.

**Rwy'n ystyried fy hun yn artist, ond ni astudiais gelf. Ydy hyn yn dderbyniol?** Ydy. Byddwn yn edrych am dystiolaeth o arfer celf weledol gyfoes ac ymrwymiad i ddatblygu yn eich maes, yn hytrach na chymwysterau. Rydyn ni hefyd yn ymwybodol iawn bod arfer gyfoes yn cyfuno sawl genre a dull, ac rydyn ni'n edrych ymlaen at glywed am ddisgyblaethau sy'n cydgysylltu.

**Pam oes raid i mi ddweud wrthoch chi am fy nghefnidir a'm**



## **hunaniaeth?**

Mae g39 yn dilyn polisi o Weithredu Cadarnhaol, fel y diffiniwyd yng Nghod Statudol Deddf Cydraddoldeb 2010. Mae hyn yn caniatáu gweithredu mewn modd sy'n sicrhau canlyniadau mwy effeithiol i unigolion sy'n perthyn i grwpiau sy'n wynebu anfantais gymdeithasol neu ariannol. Mae hefyd yn diogelu unigolion sy'n wynebu gwahaniaethu ar ffactor neu anfantais arall boed yn y gorffennol neu heddiw.

Ar ôl anfon eich cais byddwch yn derbyn dolen i ffurflen fonitro cydraddoldeb wirfoddol. Nodwch fod y ffurflen hon yn ddiennw ac ni fydd eich atebion yn cael eu cysylltu i'ch ffurflen gais.

Ni fyddwn yn cymryd unrhyw beth yn ganiataol am gefndir, hunaniaeth na chategoreiddiad ymgeiswyr. Os ydych chi am i ni ystyried eich cais yng nghyd-destun y ffactorau hyn, gofynnwn i chi nodi hyn yn eich cais.

## **Beth gallaf ei ddisgwyl gan strwythur y rhaglen?**

Bydd gan yr artistiaid sy'n cymryd rhan yn y gymrodoriaeth ofod stiwdio dynodedig yn g39 am 21 mis (Ebrill 2022 – Rhagfyr 2023).

Fel arfer, cynhelir gweithgareddau'r rhaglen (e.e. gweithdai a hyfforddiant) ar draws chwe mis ym mhob un o'r ddwy flynedd. Defnyddir gweddill y flwyddyn ar gyfer cynllunio a rhaglenni eraill g39.

## **Nid wyf am symud stiwdio, ond hoffwn fod yn rhan o'r rhaglen.**

**Ydy hyn yn bosib?** Rydyn ni'n ymwybodol y bydd rhai pobl yn cael hi'n haws gweithio mewn gofod arall yn hytrach na stiwdio g39. Mae hynny'n iawn. Rydyn ni'n cynnal y rhaglen er mwyn cefnogi eich arfer greadigol ac mae croeso i chi barhau gyda'ch gwaith rhywle arall. Gofynnwn i chi gadw mewn cysylltiad a mynychu sesiynau hyfforddi / digwyddiadau / gweithgareddau cymdeithasol yn g39, er mwyn gwneud y mwyaf o'r cyfle a'r adnoddau sydd ar gael.

## **Sut bydd fy nghais clywedol/fideo yn cael ei asesu?**

Os ydych yn cyflwyno cais ar ffurf sain neu fideo, ni fyddwn yn gwneud asesiad ar sail ansawdd y cynhyrchiad sain neu fideo, ond mae'n bwysig bod eich ymateb ar y recordiad yn glir fel bod modd i banel ddeall eich atebion.

## **Dw i heb ddod o hyd i ateb i gwestiwn sydd gen i:**

Gofynnwn i chi e-bostio ni gydag unrhyw ymholiad arall. Ni fyddwn yn darllen ceisiadau na thestun drafft, ond gallwn drafod eich syniadau a'ch cynghori ar sut i'w cryfhau er mwyn eu cyflwyno yn eich cais.

Anfonwch eich cwestiynau at [post@g39.org](mailto:post@g39.org) neu ffoniwch +44(0)2920 473 633 a gadewch neges. Rydyn ni'n gweithio rhan amser, a byddwn yn cydnabod eich neges o fewn tri diwrnod gwaith ac yn ymgeisio i ateb eich ymholiad neu drefnu amser a dyddiad i sgwrsio ymhellach o fewn pum niwrnod gwaith.

## **Gwybodaeth bellach**

### **Ynglŷn â g39 a Warp**

Mae g39 yn sefydliad dan arweiniad artistiaid wedi'i leoli yng Nghaerdydd. Mae'r sefydliad wedi ymrwymo i gomisiynu, datblygu a chyflwyno celf gyfoes. Fel oriel, cymuned ac adnodd, mae g39 yn rhan hollbwysig o'r sin gelf dan arweiniad artistiaid yn y DU. Mae'n hafan i gymuned greadigol y wlad ac yn lle i gynulleidfaoedd ymwneud â chelf gyfoes. Ers symud safle yn 2011, g39 yw un o'r safleoedd mwyaf ar gyfer celf weledol gyfoes yng Nghymru. Yn sgil y gefnogaeth a'r arddangosfeydd mae'n ei gynnig i artistiaid cyfoes, mae g39 yn cael ei gydnabod yn rhan hanfodol o rwydweithiau diwylliannol Cymru a'r DU.

Warp (Wales Artist Resource Programme) yw rhaglen gefnogaeth g39 ar gyfer arfer greadigol. Mae'n cynnig sesiynau ar gyfer cael beirniadaeth gan gyfoedion, sgysiau artistiaid-curaduron, gweithdai, seminarau, mentora, datblygiad proffesiynol ac ymweliadau. Mae Warp yn darparu rhwydwaith feirniadol a chymdeithasol ar gyfer cymuned greadigol Cymru a thu hwnt.

Mae Warp a g39 yn darparu ystod eang o weithgareddau i artistiaid ar bob cam o'u gyrfa ac o amrywiol genhedloedd. Mae nifer o'r artistiaid sydd wedi derbyn cefnogaeth gan g39 ar ddechrau'u gyrfa, megis James Richards, Heather Phillipson, Megan Broadmeadow, Sean Edwards a Bedwyr Williams wedi datblygu enw da iawn. Yn aml bydd g39 yn cydweithio ag orielau o bedwar ban byd, er mwyn arddangos gwaith artistiaid Cymreig dramor, yn ogystal â chyflwyno a chyd-guradu arddangosfeydd o wledydd eraill.

### **Ynglŷn â Rhaglen Artistiaid Freelands**

Menter newydd yw Rhaglen Artistiaid Freelands sy'n rhedeg ledled y DU. Cynlluniwyd y rhaglen er mwyn cefnogi a thyfu ecosystemau celfyddydol rhanbarthol, drwy feithrin cysylltiadau ac annog cydweithio rhwng egin artistiaid a sefydliadau celfyddydol.

Ei nod yw cefnogi grŵp o sefydliadau celfyddydol uchelgeisiol i drawsnewid dyfodol wythdeg o egin artistiaid dros gyfnod o bum mlynedd. Ei fwriad hefyd yw creu gwaddol o addewid a phosibilrwydd o fewn yr ecosystemau celfyddydol hyn a chreu cyfleoedd i'r cyhoedd ymgysylltu â'r gwaith.

*Mae'r rhaglen newydd hon yn darparu cyllid o £1.5 miliwn dros gyfnod o bum mlynedd i bedwar sefydliad celfyddydol. O fewn y swm hwn mae cyllideb gynhwysfawr i bob sefydliad ar gyfer rhaglennu a recriwtio staff ychwanegol os fydd angen. Mae hefyd yn cynnwys grantiau unigol i bob artist dethol a chostau teithio pob sefydliad ar gyfer y symposiwm cenedlaethol. Nod y symposiwm yw rhannu arfer orau a'r hyn mae'r cyfranogwyr wedi'i ddysgu.*  
<http://freelandsfoundation.co.uk>